

Minsberg





# N a c h r i c h t

Von dem Zustande

des Königl. katholischen Gymnasiums zu Leobschütz

während des Schuljahres 182<sup>6</sup>/<sub>7</sub>,

womit

zu der auf den 13., 14. und 15. August abzuhaltenden

## ö f f e n t l i c h e n S c h u l p r ü f u n g

und

zu der auf den 18. August, Vormittags um 8 Uhr angesetzten

### feierlichen Entlassung der Abiturienten und Klassifikation der Schüler

ergebenst einlabet

Dr. Helanek,

Rector und erster Lehrer.

Vorausgeschickt ist eine lateinische Abhandlung des Oberlehrers F. Winkler über das Amphiktyonen-Gericht, in Bezug auf das delphische Orakel.

---

Leipzig, 1827.

Gedruckt bei Franz Michael Zanger.





*Minsberg*

De consilio Amphictyonum ad Oraculum  
Delphicum relato.

Haec quum sit multorum ratio, ut in rebus dijudicandis alienae auctoritatis praestigias temere sequantur et operose inquirendo aliquid reperire recusent, non sine fruge in examen revocantur, quae specie recti nonnunquam animos decipiunt ingeniosae opinioniones. Ita enim fit, ut et auctorum virtuti et veritati ad liquidum exploratae idem habeatur honos. Quare nemo justus rerum aestimator reprehendet, me, quo tempore ex lege scholis nostris imposita partes meae essent materiam a rebus scholasticis non abhorrentem pertractandi, inquisivisse in nonnullas de Amphictyonum Consilio opinioniones.

Amphictyonum Consilium, quod Delphis vere, ad Thermopylas autumnus conventus celebrasse inter

omnes constat, composuerunt, qui e pluribus Graeciae civitatibus delecti vel *Γερομνήμονες* vel *Πυλαγόραι* vel *Συνέδροι* appellabantur. Sunt, qui *Γεώρονες* quoque illis censeant adnumerandos. Antiquissimis tamen temporibus, quae est opinio viri doctissimi Van-Dalen, solos Pylagoras in consilium convenisse admodum est probabile.

Van-Dalen de  
Consilio Amph. p.  
450.

Herod. lib. VII.  
§§ 213 et 214.

Herodotus, quum Amphictyones commemorat, Pylagoras denotat. Plurimi autem eos opinantur generalia civitatum graecarum comitia ad instar foederatorum reipublicae Helveticae pagorum seu Unionis provinciarum Americae septentrionalis simul cum Oraculo delphico instituta, in majus auctoritatis subsidium religionis velamine obducta, quibus id muneris mandatum, ut de rebus Graecorum populorum explicandis atque rectius confirmandis consultarent, Pythiae responsa ad servandam inter civitates pacem et concordiam ex arbitrio flecterent, quae quidem omnia argumentis ex ipsa Oraculi administratione, lege denique, quam in agendo sequebantur Amphictyo-



nes, deductis comprobare conantur. Ne eadem requere cogar, tum demum, quum id, quod mihi in utroque visum est, verisimillimum, attulero, ad refellendam eorum opinionem convertar.

Quotquot in Graecia aliisque terris extiterunt Oracula, nisi quod vaticinia edita fortuito vel temera multitudinis credulitate vel sacerdotum artificiis viderentur probata, fidem sui tueri non potuerunt. Delphicum quidem oraculum aliquamdiu celeberrimum et, Strabone teste, omnium minime fallax fuit aestimatum; id tamen non officit, quominus et aliorum ejusdem aetatis oraculorum auctoritatem plurimum valuisse credamus. Major minorve fortunae famaeque modus certis alioquin temporum finibus restrictus, ut ratione Pythicae vocis grave quoddam objiciamus discrimen eamque politicam potius, quam religiosam putemus institutionem, nec potest nec debet adducere. Qui de Oraculis scripserunt omnes, quum iisdem eventibus easdem causas subesse apprehenderent, eorum conditionem juxta aestimarunt.

Tertull. libr. de  
anima c. 46.

Nihil attinet statuere cum Tertulliano et Origene,  
oracula daemonicam fuisse rationem eorum Spirituum, qui in hominibus ipsis habitaverint vel memorias eorum adfectaverint ad omnem malitiae scenam, in ista aequae Specie divinitatem mentientes eademque industria per beneficia fallentes medicinarum et admonitionum et praenuntiationum; nec inde quod seculis quoque cultioribus Gentilium sanctuaria animos multorum deceperint, concludere licet, Sacerdotes omnem Religioni fidem derogasse, civitatum rectoribus callidissime inservientes; longus enim inter impietatem et crudelitatem discernitur tractus.

Rem si a principiis repetamus, eam ubique hominibus indolem insitam observamus, ut a contemplatione rerum naturalium advocati ad causae primariae cognitionem animum advertant. Hanc autem causam, quanta qualisque sit, cum satis perspicere non possint, mente insistunt in futura praesentienda; Deos itaque aut quodcunque Deorum loco habetur, in majori saltem certa-



reine aut discrimine salutis scrutantur, interpretum adhibitorum monitis confisi.

Abhorrent a ratiocinatione credulitas et coeca sollicitudo; inde apud omnes fere terrarum populos Oracula, Sibyllae, divinationes etc. Gentem enim, Cicero ait, nullam videmus neque tam humanam atque doctam, neque tam immanem tamque barbaram, quae non significari futura et a quibusdam intelligi praedicique posse censeat. Ipsi viri, qui legislatorum nomine a scriptoribus insigniuntur, inveterata superstitione capti haud exiguum oraculis tribuerunt auctoritatem. Quin etiam philosophi veteres hanc superstitionem rerum magis eventibus moniti, quam ratione docti probaverunt. Mitto Herodotum gravem et eruditissimum, Xenophontem, qui in ea, quae cum Cyro minore perfunctus est militia, sua scripsit somnia, Plutarchum, rerum scriptorum cacteroquin sagacissimum, dicam nonnisi de Caesare dictatore,

Plin. nat. hist. lib. 28 c. 2. quem post unum ancipitem vehiculi casum Plinius narrat semper, ut primum consedisset, carmine ter repetito securitatem itinerum aucupari solitum.

Vanum est multiplicare exempla, quae satis manifeste declarant, minorem fallaciarum partem ad Sacerdotes eorumque instituta esse referendam. Quod si concedatur et in Oraculum delphicum cadere oportet, cujus originem nemo hucusque ex tenebris altissimae antiquitatis in lucem eduxit.

Pausan. in Phoc. c. 5.

Revera idem Graecorum sanctuarium Homeri jam jam temporibus famosum ab Agamemnone consultatum tantam vetustatis obtinuerat auctoritatem, ut primum Terrae matris domicilium a poetis haberetur. Amphictyones autem ab Amphictyone circ. annum a Chr. 1522 institutos refert Dionysius Halicarnassensis; Strabo contra eorum originem quum adserit esse obscuram et incertam, Acrisium, Argivorum regem (c. 1400 aerae vulgaris) memorat conventus pylaici conditorem. Quoquo modo sese res habeat, sive Acrisius Amphictyonas instituerit, sive, quod est verisimilius,



restauraverit, id procul dubio esse videtur istud quarundam civitatum consociatarum commune consilium ratione originis suae in remotissima tempora esse ablegandum. Neque tamen eo usque recedere licet, ut ejus institutionem seculis ante Trojam eversam ab omni humanitate alienis tribuamus. Qui fieri potuit, ut in infantia generis humani, ubi exiguus aut fere nullus erat ingeniorum cultus, nullae animos regerent leges, nihil artium vigeat, quod mentes formare potuisset et perpolire, notiones rerum rudibus animis ita fuerint informatae, ut cum posterioribus congruerint? Quis nationes barbaras easque immanes cultioris societatis foedere junctas crediderit? Quomodo quaeso fieri potuit, ut Amphictyones, Diis hominibusque procacissime illudentes in tanta populorum ignorantia Oraculum ad sua consilia politica conformarint?

Thucyd. in introduct.

Secreta, quantumvis licet in collegiis hominum eximiis juribus donatorum solerti silentio tecta, si diu celari non potuerunt; figmenta in templis Aegyptio-



rum contexta si bellis aliisque publicis calamitatibus tandem sunt revelata, quis sanioris mentis in tot tantisque rerum graecarum permutationibus, in tantorum, qui versutiarum facti sint participes, superstitione fraudem religioso-politicam in vulgus non manasse praesumat? Supponamus jam, solos Hieronymones mysteriorum fuisse conscios, id tamen observandum occurrit, alios quotannis ex civitatibus foederatis in consilium fuisse delegatos, quos in cultum divinum adeo petulantes et injurios, ut Apollinem totamque Graeciam ludibrio habuissent, tamque perfidos, qui, quae patriae essent fatalia, dissimulassent, frustra quaesiveris.

Opinio igitur impugnata, oraculum delphicum arctissimis artis politicae vinculis cum consilio Amphictyonum fuisse connexum, dum ex parte religionis male fustinetur, minus prosperè defenditur ratione politica.

Sainte-Croix in opere suo des anciens gouvernemens federatifs multis et diversis probat argumentis, eas Amphictyonibus datas esse partes, ut administran-

Aeschin. adv.  
Ctesiph. p. 39.

di templi delphici curam haberent, redditum redderent rationem, lites adfluentium componerent, ludis pythicis praesiderent. Caeterum denominationem communis Graecorum consilii Amphictyonibus a Cicerone et Demosthene datam ad communia quae Delphis facta sint sacra, referendam demonstrat.

At non delphico solum, aliis quoque Europae et Asiae templis sua fuerunt Amphictyonum consilia.

Civitates Boeoticae ejus generis Senatum sacrum ad Strabo lib. IX.

Neptuni Onchestii vel Minervae Itonicae convocabant;

Achaei ad Neptuni in isthmo Corinthiaco; Strabo et Pindar. Od. Nem. VI. v. 68.

illius Amphictyonii Consilii, quod septem Calauriae civitates delegarunt, facit mentionem. Adde, quae Ephe-

si et Triopii, teste Dionysio Halicarnassensi; extite-

runt. — Sed longum esset omnia percensere nume-

rando. Delphici Amphictyones si ampliorem ferverunt

nominis sui famiam, majori ipsius templi celebritati id

omnino debetur. Mirari tamen subit, bello per XXVII

annos inter Athenienses et Spartanos saeviente, nec

magis in perpetuis minorum Graeciae civitatum cer-

taminibus, ad controversias dirimendas ne semel quidem Amphictyonum operam fuisse interpositam.

Philippus Macedo compositis Graeciae rebus legatos civitatum ad formandum rerum statum evocari

Just. lib. 9. c. 5. Corinthum jubet. Ibi pacis legem universae Graeciae pro meritis singularum civitatum statuit conciliumque omnium, veluti unum Senatum ex omnibus legit. Cui bono, si Amphictyones legationum graecarum conventum communem constituissent et cooperante delphico Oraculo Graecorum causas ex arbitrio flexissent?

Aequae falluntur, qui ex situ loci confessibus Amphictyonum commodiore quidquam sibi concedi putent. Non diffiteor jugorum circumurgentium, saxorum praeruptorum, fontium, antrorum novo conspectu stuporem animis esse injectum et admirationem — Quid inde? nempe de summis Graeciae rebus ibi habitum esse consilium? Minime, sed Deos, quos his locis quasi propius abesse sentirent, multo ante parietibus cohibitos et in consilium fuisse vocatos, quam quos alibi religiose colerent.



Quaesiverit fortasse quispiam, cur iurejurando, ne quid in civitates foederatas et Oraculum molirentur, obstricti fuerint Amphictyones? Cui responderim, imprecationes in perjuros, sicubi publici conventus religiosi celebrarentur, usitatas fuisse. Athenis, ut est apud Demosthenem, in unaquaque vel Senatus vel populari concione praecones contra impios et proditores imprecationis formulas promuntiare solebant.

An vero putes Amphictyones idcirco Oraculi fuisse inspiratores rerumque graecarum arbitros communes, quod ereptorum ex incendio (Olymp. LVIII) thesaurorum tutelam civitatibus foederatis commiserint, ipsum praeterea templum reaedificandum diligenter curaverint? Hoc sua sponte apparet, templum civitatibus societatem Amphictyonum constituentibus commune sumtibus aequaliter susceptis fuisse reparandum.

Pausan. lib. 10  
cap. 5.

Et per errorem labuntur, qui a Cyro, Hippias, Demarato majoris Amphictyoniae potestatis petere velint argumenta. Legant jam Herod. lib V. § 62. lib. VI.

§ 66. Pausaniae itid. lib. III. c. 4. ipsique, quae vera sint, probe conjiciant.

Salutem rerum graecarum in bello Regis adversus Graeciam instructo quam parum curaverint Amphictyones, tum omnis fere consilii inopes, idem Herodotus refert lib. VII. § 139; victorias autem, quas Graecia de barbaris Asiam incolentibus reportavit, soli Atheniensium fortitudini, lucido patriae amoris, junctis imperatorum viribus et temporis rationi tribuit. Nec quo bello Phocenses, Amphictyonibus concitantibus, victi violatae religionis poenas sanguine et caedibus suis dederunt, aliud quidquam comprobatur, nisi antiquus et perversus hominum divina cum humanis miscendi abusus, quo debiliores imminetia pericula plerumque propulsare conantur.

Lumen tandem philosophiae per Graeciam diffusum rebus commentitiis omnique fabularum generi fidem abrogavit, Amphictyonum et Oraculorum simul auctoritatem infregit. Cicero deridet eos, qui delphici oraculi vim vetustate evanuisse adfirmabant. Vis au.

tem ista evanuit, postquam homines minus creduli causas  
orationibus naturalibus arcessere, immo necessitatibus  
naturae illigare, opinionem magis a Deo avertere coepe-  
runt.

Quantum ad Sapientiam responsis <sup>eius</sup> ~~quod~~dem Oraculi  
expromptam, non tanti est, ut ineptias omnes et aenig-  
mata in antiquis scriptoribus consignata minutatim reci-  
piamus, nec si vaticinia quaedam occurrunt a ratione mi-  
nus discedentia classicum canere oportet. Partim enim  
sunt falsa, partim casu vera, ut fit in omni oratione sae-  
pissime, partim flexiloqua et obscura, partim ambigua  
et ad delectationem deferenda. Hinc Tertullianus in Apos-  
tol. c. 22. In Oraculis quo ingenio ambiguitates tempe-  
rent in eventus, sciunt Croesi. etc. Illud sane constat et  
aliorum numinum oracula non sine fiducia conjecturasse;  
alio enim pacto fieri non poterat, ut famam inter gentes  
servassent.

Relinquitur ut hactenus dicta in summam rediga-  
mus, ne plura adferendo scriptiones fines ultra modum  
extendamus.



Quae Amphictyonum Consilium in comitia graecis civitatibus communia vel institutum consimile transformat opinio, mera est suppositio idoneis argumentis destituta. Supra probavimus fieri non potuisse, ut qui in consessum Amphictyonum essent delegati, temerarium conciperent, continuarent et exequerentur consilium Pythiae responsa ad sua arbitria fingendi.

Ipsa Oraculi diuturnitas, quam objiciunt adversarii, longe abest, quae momentum adferat illorum sententiae; exinde contra venire videmus, quae labefactent illorum causam et oppugnent. Nam Amphictyonibus interdum remotis, Delphorum civitate ab oppressoribus occupata, immo multis post devictam a Romanis Graeciam seculis, non obstante temporum vicissitudine, Oraculum subsistere potuit.

Pythiarum denique, in quibus praeter credulitatem et ingenii imbecillitatem nihil requirebatur, responsa coeco nonnunquam et maligno spiritu concepta eaque confuse pronuntiata in ordinem redigebant prophetae id est oraculorum interpretes vel ministris, ut carminis legibus

ea implicarent, permittebant. Ita Oraculum non ex Amphictyonum, sed sacerdotum, qui ex principibus Delphicolarum sortito capiebantur, pependit arbitrio. Euripid. Jon. v. 416.

Vaticinia Delphis prodita in rebus certe difficillimis commodo graecarum gentium adeo videbantur contraria, ut nonnullae civitates in contemptum quasi Oraculi oppositam Pythicae voci sententiam amplecti non dubitarint. Facere non possum, quin aliud etiam in hanc commentationem adferam, quod grave mihi visum est argumentum. Amphictyonibus ipsique Oraculo delphico, si datum fuisset, concordiam inter graecas civitates tueri, tropaea, inscriptiones funestas aliaque ejus generis monimenta, in perpetuam quasi memoriam victoriarum, quos Graeciae populi de se invicem reportaverant, fano Apollinis dedicata sane non tolerassent, saltem vetitum illud; ne quis Graecorum inter bella domestica Deum consultaret, abrogassent. Herodot. lib. VIII. §. 149 et §. 169.

Quibus breviter expositis adjiciam, quae de primis Amphictyonum initiis adumbranda supersunt.

Ubi homines vita erratica relicta certas sedes figere statuerunt, Laribus, quos usque adhuc in armis et cophinis secum circumgestarant, templa exstruere coeperunt. Festis solenniter institutis interdum et vicini, seu communi gentis origine seu morum et cultus religiosi vinculis conjuncti, maxime exactis jam messibus, quot annis interesse, controversiis compositis amicitias et foedera inter se confirmare solebant. Ejusmodi conventus

Richardson de mo-  
ribus Orient.

proprio vocabulo Amphictyones appellati communes erant diversis Graeciae populis alio apud alios nomine nuncupati. Sabaei priusquam ad formulas Muhamedi converterentur, ad Kaaba, quod sacellum hodiedum extat Meccae, concurrebant ibique de rebus suis agebant. Omnes tamen ejus generis consociationes, sive consanguinitatis sive religionis nexibus superstructae, una cum sacris solennibus, unde traxerant originem, celebrari desierunt. Nihil enim in eodem permanet statu, sed, ubi ad summum pervenit, in aliam sensim eamque deteriorem partem deflectit. Ita Amphictyones delphici, qui eame sibi traditam habebant provinciam, ut templi privilegia, juris publici statuta sine religionis violationem quam perfringenda tuerentur, quin totius Graeciae imperium omnemque in Oraculum vim sibi arrogassent, ad metas dati aevi pervenerunt, multa, dum auctoritas eorum vigeret, Graecis commoda adferentes. At cresceret ultra terminos constitutos disquisitio, si materiam prolixius pertractare vellem; quare summatim concludimus atque statuimus:

Hug. Grot. de jure  
belli et pacis lib. II  
c. 21. nun

- a. Amphictyonum consilia non sine emolumento Graecorum instituta, toto coelo differunt a societatibus civitatum foederatarum;
- b. Quae ante foedus Achaicum extiterunt Amphictyonum consilia, partiaria fuerunt et momentanea;
- c. Oraculum delphicum ut ipsa fert natura, institutio fuit religiosa nec potuit esse politica.







